


Amino Acid Metabolism

Medical Biochemistry **2nd Year**

Dr. Abbas



Medical Sha5bta Cam-Team

VISIT...

LANZAROTE
Caliente.COM

بسم الله الرحمن الرحيم

Chapter: Amino Acid Metabolism – Record Number: 2

هنتكلم عن ال ٢٠ امينو اسيد اللي داخلين في تركيب البروتين بأربع عناوين ثابتة :-

١-هنقول مين Essential , semi or non essential

زودنا كده جروب كمان non-essential بشروط

و لو كان الامينو اسيد essential هحط fullstop خلاص لا يتم تصنيعه داخل الجسم و لو كان semi or non اقول بيتصنع ازاي داخل الجسم.

٢-هقول الامينو اسيد glucogenic or ketogenic or mixed و ليه و ازاي.

Glucose ليه: بيدي pyruvate و قول ازاي.

Keto ليه: بيدي acetyl-CoA و قول ازاي.

٣-Importance: و اول واحدة تنفع ليهم كلهم هي: enter in structure of protein

و لو الامينو اسيد Acidic هقول Gives ptn negative charges.

و لو الامينو اسيد basic هقول Gives ptn positive charges

و كمان في وظائف تصلح للامينو اسيد نفسه.

٤-metabolic disorders اللي مرتبطة بالامينو اسيد ده.

طبقتنا الكلام ده على اول امينو اسيد اللي هو ال glycine

Glycine : $\text{CH}_2\text{NH}_2\text{-COOH}$

قولنا ال formula مش مطلوبة

و انا بشرح عشان افهم، كمان بستنتج منها كام معلومة:

بصيت لقيت ال glycine فيه كربونتين ، بالتالي ال keto acid
بتاعه هيبقى فيه كربونتين و اسمه GlyOxylate ...

طب نطبق بقى :

ده essential ولا semi ولا non ؟ ده non-essential

بيتصنع ازي؟؟

ب ٣ طرق:

-اول و اهم طريقة يصنعه من ال serine بانزيم اسمه :

Serine hydroxyl methyl transferase يبدخل $\text{THF (FH}_4\text{)}$ و
بيطلع مية و $\text{THF} + \text{CH}_2$ ($\text{CH}_2 = \text{FH}_4$) و احول سيرين ل جلايسين
، و الانزيم ده reversible و محتاج TLP

- الطريقة الثانية by transamination of GlyOxylate

- الطريقة الثالثة by reversal of glycine cleavage system

و دي الطرق اللي بصنع بيها ال Glycine

- طيب النقطة الثانية: هو Gluco ولا keto ولا mixed؟

هو glucogenic AA

ليه؟؟ عشان بيدي pyruvate

ازاي؟؟ قالك اصل ال glycine بيدي serine و بال reversal بتاع
ال Serine hydroxyl methyl transferase و ال serine بقى
هو اللي بيدي pyruvate بانزيم اسمه Serine dehydratase

و لسؤال ده ببيجي explain why

لقينا كمان ن في انزيم مهم بيعمل catabolism لل glycine

هذا الانزيم يسمى Glycine oxidase ، بيعمل ابيه؟؟

قالك بيعمل oxidative deamination لل glycine :

بيدخل FAD و يطلع FADH_2 ، و يحول ال glycine اللي اسمه α -
amino acetic الى α -imino acetic

عندك في ال imino قاعدة: دخل H_2O و طلع NH_3
و يدني ال α -keto acid اللي اسمها GlyOxylate
يهمني اوي ال fate بتاع ال GlyOxylate : قولنا ممكن تمشي في
سكتين شرعتين ، و لو اتقفلوا تمشي في سكة غير شرعية.

اول سكة شرعية اسمها Transamination و ترجع Glycine
السكة الثانية : Oxidative Decarboxylation : يدخل O و يطلع
 CO_2 و يدني Formate
و دي على ال THF تعمل Formyl-THF و اتفقنا انه في صورة
.one carbon unit

و لو حصل مشكلة في السكتين دول؛ هنمشي في السكة الغير شرعية ؛
و هي سكة ال oxidation

و تدي oxalate اللي بتتحد مع الكالسيوم و تدي Ca^{+2} Oxalate و
هنعرف لنهارة ان دي ممكن تعمل Renal stones في الكلى.

-انتقلنا للنقطة الثالثة و هي ال glycine importance

و هنقول طبعا النقطة بتاعة enter in ptn structure

و اشهر بروتين فيه glycine هو ال collagen

و كمان مهم لتصنيع مركبات بحروف كلمة SCHGB/PGD

الS: لتصنيع ال Serine عن طريق reversal of Serine hydroxyl methyl transferase

الC: مهم لتصنيع creatine: هتلاقي في الكتاب يقولك مع ال arginine بيزيد مش عارف ايه ... كله قدام.

الH: مهم لتصنيع ال Heme و كل ده قدام بالتفصيل، اعرف بس الاسم.

الG: مهم لتصنيع ال glutathione (Glutamate-Cysteine- : Glycine)

الB: مهم لتصنيع ال Bile salts و تفقنا مع بعض ان ال bile salts بتتعمل ب conjugation of bile acids either with Glycine OR Tourine

وقولنا مين اكثر؟؟ Glycine ٨٠% من ال bile salts بتتعمل من ال Glycine، و ٢٠% بس من ال Tourine.

الP: تصنيع ال purine و قولت ده بيدي C4,5 و N7 و اتفقنا انه بيدخل بكل ما أوتي من قوة في تصنيع ال purines:

هو بيتكون من كربونتين و نيتروجينة و بيدخل بيهم في تصنيع ال purines، و كمان في الصورة اللي اسمها Formyl-THF بيدي

C8, C2 في ال purines. لو الكلام ده صعب عليك تحفظه
فاحنا هندرس شابتير قدام اسمه purine metabolism.

الG: تصنيع ال Glycine betaine اللي اسمه Trimethyl
glycine و تعرف عنه كلمة عشان ال MCQ: ال choline بيشيل
منه هيدروجين بانزيم اسمه choline dehydrogenase و بيديني
حاجة اسمها Betaine aldehyde

و احنا متفقين Betaine معناها trimethyl.

يقولك لو دخلت O على ال Betaine aldehyde يديني Glycine
betaine ، و ده وظيفته انه methyl donor في جسمي

فلو اخدت methyl يتحول ل Dimethyl glycine

و ال reaction بتاع تصنيع ال glycine betaine مش مهم.

ال D: مهم لل detoxification يعني لازالة السموم

خدنا تفاعل في ال detoxification: فاكرين لما كنا بنعالج ال
hyperammonemia باننا ندي $\text{Na}^+\text{Benzoate}$ عشان بيدني الجسم
حاجة اسمها Penzoyl CoA و دي بت bind مع ال glycine و
تدي حاجة اسمها uric acid و ده بينزل في ال urine وبالتالي وفرت
امونيا كانت هتطلع في جسمي من ال glycine، و التفاعل ده على
حسب انا عاوز اعمل من وراه ايه:

لو انا عاوز اعمل treatment لل hyperammonemia اروح مدي
العيان $\text{Na}^+\text{Penzoat}$ و كده هنزل ال glycine في ال urine،

طب لو واحد خده كتير و ده موجود في كل المواد الحافظة و تخيل
معايا واحد جاله حالة تسمم بسببه و انا حببت اعالجه فاديله glycine
يشبك مع ال Penzoel-CoA يعمل uric acid و ينزل في ال
.urine

انا عايز اقول ان التفاعل هو هو، بس بيختلف الغرض من التفاعل.
ده اللي احنا قلناه المرة اللي فاتت.

النهاردة بقى هنكمل خر نقطة في ال Glycine و هي ال metabolic
disorders

و خلوا بالكو بقى ان ال ptm metabolism مليون disorders و
عليها cases غاية في الهمية في الامتحان، و لازم تتعود ان final
سنة تانية لازم يكون فيها cases من ٢-٤ cases ع الاقل، و ساعات
الامتحان يبقى فيه ٤ cases كل واحدة عليها ١٠ او ٧ درجات، و اي
ورقة صفرا احفظها زي اسمك.

و نبدأ اول disease مرتبط بال metabolism of glycine اسمه:
Primary hyperoxaluria و ده اهمهم.

احنا خدنا زمان في ال diseases كلمة essential و انا قللتك كلمة
essential قبل اي مرض معناها: of unknown reason
و كمان كلمة primary قبل اي مرض يعني سببه غير معروف.

ف primary hyperoxalouria يعني في oxalate بتتزل في ال
urine كثير و انا مش عارف سببها ايه.

طب ايه بقى!!

قالك سببها block في الانزيمات اللي بتعمل transamination او
oxidative decarboxylation

دايما في ال MCQ بيقولك block of enzymes of
transamination & oxidative decarboxylation of
glycine

و دي طبعا غلط لانه GlyOxylate مش glycine فخلي بالك.

طيب يا جماعة لو السكة بتعة ال transamination وقفت و سكة ال
oxidative decarboxylation وقفت

تضطر ال GlyOxylate تمشي في السكة الغير شرعية اللي هي
سكة ال oxidation و تديني oxalate اللي بتعمل مع الكالسيوم
Ca⁺⁺ Oxalate ، اللي بيتجمع و يعمل حصوات في الكلى (Renal
stones)

و ده اول مرض خدناه الترم الثاني بيعمل renal stones و في
امراض كثير اوي هناخدنا بتعمل renal stones.

اول ما اقولك renal stone تقولي الكام كلمة دول type, shape,
treatment

نوعها oxalate stone

شكلها: envelope shape لو بصيت تحت الميكروسكوب في عينة
ال urine هلاقيها شكل الظرف.

العلاج: علاج اي renal stone ثابت:

1-plenty of fluids

يعني يشرب سوايل كثير، فالاملاح دي لو موجودة في كمية قليلة من
ال liquid تعمل حصوات، لكن لما تبقى كمية كبيرة من ال liquid
الاملاح هتبقى دايرة اكر و تنزل في ال urine من غير حصوات.

2-alkalinization of urine

خلي بالك هو مش كاتبها عندك في الكتاب هنا بس كاتبها بعدين فاحنا
هنعرفها من دلوقتي و اكتبها عندك عشان تذاكرها من هنا.

و ليه بنعمل كده؟ هقولك كلمة من سنة اولى يا رب تفكرها:

فاكر لما قتللك ان جسمك يا دكتور بيطلع احماض (amino acids)

فمعظم الاملاح اللي بعملها excretion هي salts احماض

و بيقولك هنا oxalate stone جاية من oxalic acid

Urate stone جاية من uric acid

Carbonate stone جاية من carbonic acid

فمعظم الاملاح اللي بتعمل حصوات جاية من احماض

طب هو الحمض لما ييجي يدوب يدوب في حمض زيه ولا

alkaline؟ هيدوب في alkaline طبعا

فانا بعمل alkalization لل urine عشان الاملاح اللي اصلها
احماض تبقى دايرة كويس و تنزل في ال yrine من غير ما تعمل
.stones

طب ازاي اخلي ال urine يبقى alkaline؟؟

فوار يا جماعة ، الفوار ده عبارة عن مادة مش بيحصلها
metabolism في جسمي ، فزي ما هاخدها زي ما هتنزل في
ال urine ، فاديله فوار alkaline ينزل في ال urine و يخليه
alkaline ، و بالتالي الاملاح ماتترسبش و ماتعملش حصوات.
زمان مكانوش عارفين ال cause فسموه primary ، بعد كده عرفنا
ال cause و ماغيرناش الاسم.

المرض الثاني المرتبط بال glycine metabolism يعمل حاجة
اسمها Hyperglycinemia ، يعني glycine زايد في الدم.

انا مش مذاكر ولا كلمة و هقول كل حاجة ... ركز معايا:
هو ال glycine زايد في الدم ، فكر معايا :ايه اللي يخليه يزيد في
الدم؟؟ مابكسروش

طب ايه اهم طريقة اكسر بيها ال glycine؟

Glycine cleavage system. فلو باظ مش هعرف كسر
ال glycine و بالتالي يزيد في الدم.

ضد القاعدة دي: معظم ال AA لما تزيد في الدم تعمل mental retardation

ليه بقى؟؟ بص معايا :-

ال brain لازم يعمل uptake لل AA بمعدلات ثابتة.

هو عايز كام واحد مهمين جد بالنسبة له (tyrosin, phenylalanine,...)

اللي هي الحاجات بتاعة ال neurotransmitters، فمالك لو ال AA زايد اوي في الدم؛ ال brain يروح واخذ ال AA ده بكمية كبيرة فياثر ع ال uptake of other amino acids.

يعني ال glycine زاد؛ فخذته بكمية كبيرة و بالتالي هأخذ باقي ال AAs بكمية اقل فيحصل mental retardation.

وزود كمان ال glycine ده معروف عنه من الفسيولوجي انه inhibitory neurotransmitters يعني لو زاد في الدم يحصل inhibition of neuroT. و برده يحصل mental retardation.

يبقى ال mental retardation ليه سببين :-

-سبب general : و هو ان لو اي امينو اسيد زاد في الدم هياثر على ال uptake of other AAs.

-لكن هو كمان inhibitory neurotransmitter.

هقول معلومة لل oral و لاوائل الكلية :-

جنب كلمة hyperglycinemia اكتب (non-ketotic) (يعني مش
معاه زيادة في ال ketone bodies)
و طالما قلت كده يبقى اكيد في واحد ketotic.

طيب تالت مرض برده hyperglycinuria بس
Heyper يعني كتير و glycine يعني ال glycine و uria يعني
urine و بالتالي معناه ان في glycine كتير بينزل في ال urine.
طب فكر معايا ليه؟؟

هو ال glycine ده مش امينو اسيد؟ طب المفروض ينزل في ال
urine ولا اعمله reabsorption؟؟

Reabsorption، طب ايه اللي خلاه ينزل في ال urine؟

مش عارف اعمله reabsorption، يبقى المرض نتيجة defect in
renal tubular reabsorption of glycine
و بالتالي ال glycine بينزل في ال urine.

طب ما ينزل في ال urine، هاكل غيره ولا يهمني، لكن المشكلة ان ال
glycine اللي عمال ينزل في ال urine ده ممكن يحصله - cyto-
oxidation، يعني يحصله oxidation جوه ال kidney و يدي
GlyOxylate و اضيف لها O كمان و تدي oxalate و يزيد ال
oxalate جوا الكلية و تشبك مع الكاسيوم و تعمل $\text{Ca}^{++}\text{Oxalate}$

stones مالية ال renal pelvis ، و اسميها Tubular-nephro calcinosis

يعني في stones سدت ال renal pelvis و لكن without hyperoxaluria

يبقى primary hyperoxaluria في stones صغيرة و كمان معاها oxalate نازل في ال urine كثير، لكن هنا في ال hyperglycinuria يقولك انا مش عارف اعمل reabsorption و ال glycine كله بينزل في ال urine و هو نازل بيتأكسد في مكانه و يدي oxalate، و ال oxalate اللي اتكونت مابتزلش في ال urine، بتشبك مع الكالسيوم و تعمل $\text{Ca}^{++}\text{Oxalate}$ و تتجمع و تعمل stones كبيرة مالية ال renal pelvis و دي اسمها nephrocalcinosis من غير hyperoxaluria.

تاني AA علينا هو ال alanine

انا متعود ارسملك ال structure و انت كمان ارسمه جنب ال AA عشان تبقى عارف ده عبارة عن ايه :-



و خلي بالك ال amino group شابة في ال α carbon

فاسمه α -amino propionic

في واحد كده هجيب سيرته خلال المنهج اسمه : β -Alanine

الامينو جروب فيه β carbon ، و ده لا يدخل في تركيب البروتين.
نبدأ مع بعض :-

ال Alanine ده Essential or non ؟؟

Non-essential ده

و لازم اقولك بيتصنع ازاي؟ بيتصنع بتفاعل خدناه :-

Transamination by ALT

كنت بحبيب Alanine و افاعله مع : α -KetoGlutarate

و ال α -KG كان بيدي glutamate

و ال alanine بيدي pyruvate

و كان reversible و محتاج coenzyme اسمه PLP

و عكس ال ALT يروح جايب ال pyruvate و glutamate و يطلع

Alanine/ α -KG

و بييجي برده من ال (MCQ) catabolism of tryptophane

و المصدر ال اهم : transamination

الكلمة الثانية : هو gluco or keto : هو glucogenic

ليه؟؟ as it gives pyruvate

ازاي؟؟ by ALT

النقطة الثالثة importance :-

(تنفع لاي امينو اسيد) Enters in structure of PTN

الاهمية الثانية Glucose-Alanine cycle و دي جت سيرتها مرتين
في المنهج:

مرة في الترم الاول في ال gluconeogenesis

و مرة في الترم ده : Removal of NH_3 from muscles.

ندخل على ال serine:-



α -amino, β -hydroxy propionic acid

هو فيه ٣ كربونات ؛ يبقى ال α -keto acid بتاعه هو ال pyruvate

اول حاجة هو non-essential AA

بيتصنع ازاي؟؟

1) from glycine by reversal of hydroxyl methyl
transferase

عشان ماشي بالعكس مش السكة الرئيسية.

2) 3-phosphoglycerate (intermediate of glycolysis)



ده اسمه glycerate ، و لو جيت في رقم ٣ و شبكت فوسفات بدل ال
H : كده هيبقى

3-phosphoglycerat : $\text{COOH-CHOH-CH}_2\text{O-P}$

اول خطوة بال dehydrogenase : اقوم مدخل NAD^+

و مطلع NADH, H^+

ال CHOH في رقم ٢ هنشيل منها 2H و يتبقى C=O

لو انا عندي ال pyruvate

(formula)

و شلت H من رقم ٣ و حطيت OH

يبقى اسمه Hydroxypyruvate

طب لو شلت H من ال Hydroxypyruvate و حطيت

phosphate ؛ هيبقى اسمه :-

3-phosphohydroxypyruvate (formula)

هعمل لل 3-posphohydroxypyruvate (α -keto acid)

هعمله transamination

و هخلي ال Glutamate يطلع α -KG

و مكان ال ketone group هحط Amino group

هيبقى بالشكل ده :-



و لو serine glucogenic : عشان بال serine dehydratase
يديني ال α -keto acid بتاعه

في الاول هدي ال imino و بعدين ادخل H_2O و اطلع NH_3 و ادي
.pyruvate

ندخل على النقطة الثالثة و دي written مهم جدا في الامتحان :

-: Importance of serine

١+٦ ، و هنقسمهم 2×3

-2 amino acid :-

Glycine: by hydroxymethyl transferase.

Cysteine: gives only the carbon skeleton.

(لكن ال SH group ليها مصدر ثاني)

-2 binding :-

CHO : Glycoprotein or Proteoglycan واعمل

Phosphate : OH عشان فيه

و يعمل phosphoprotein ، و ده مهم لحاجة اسمها

Covalent modifications :-

Activation and inhibition by phospho- and dephosphorylation.

لو شبكت CHO في ال OH بتاعة ال serine يبقى Glycoprotein اسمه O-linked.

لكن لو ال Glycoprotein ده N-linked يبقى شابك مع ال imino group of asparagine.

جميع ال sphingolipids لازم تتصنع من ال ceramide اللي جاي من ال serine مع palmitoyl CoA.

ال- pospholipids :-

Formula و معادلة و ليلة كبيرة اوي سعادتك :D

لو عملت لل serine ده decarboxylation

ال COO تطلع في صورة CO₂

و ال H هتدخل على ال CH اللي تحته CH₂:

ال decarboxylation بتاع اي امينو اسيد بتدي حاجة اسمها primary amines.

ال serine هيدي ethanolamine اللي هعمله trimethylation

هدخل 3 SAM و اطلع 3 SAH و يبقى اسمه choline

Formula :D

طب دول ال ٦ : ٣x٢

ايه ال ١ بقي؟؟

ال β -carbon بتاعة ال serine مصدر لل one carbon unit عشان
بتدي methyl THF

و ال α -carbon بتاعة ال glycine مصدر لل one carbon unit.

ندخل على ال threonine



α -amino, β -hydroxy butyric acid.

طالما هو 4 carbons يبقى ال α -ketoacid بتاعه 4 carbons
برده : α -ketobutyric acid.

اول كلمة عنه انه essential و ما بيتصنعش في الجسم.

الكلمة الثانية : Glucogenic

ليه؟ و ازاي؟

transamination specific to hydroxyl method كان في ال
dehydratase اسمها AA

ده بيشيل مية H_2O و يحوله لل iminoacid :-

α -ketobutyrate

هدخل على ال imino : H_2O و اطلع NH_3 و يديني α -
ketobutyrate.

اي α -ketoacid في الجسم ممكن عمله : oxidative
decarboxylation

و دايمًا بيتنتج Acyl-CoA. اقل بكاربونة.

فال pyruvate فيه ٣ كاربونات ؛ يطلع Acyl0CoA فيه كاربونتين.

فال α -ketobutyrate (4carbons) هيعمل propionyl-CoA.
(3 carbons)

و التفاعل دايمًا irreversible.

و بيحتاج 5 coenzymes :-

NAD^+ , FAD^+ , CoA-SH, TPP, lipoate



ال propionyl CoA. بانزيم اسمه carboxylase و ده بيحتاج
Biotin, Mn^+

بيدي methyl malonyl-CoA. و ده ب isomerase يدي succinyl-CoA.

و دي intermediate في ال TCA.

لازم عشان المركب يبقى glucogenic و يدي جلوكوز ينطبق عليه شرط من ٣

١- يدي pyruvate.

٢- يدي oxaloacetate.

٣- يدي intermediate of glycolysis or TCA cycle.

ندخل على ال importance:-

زي اي AA يدخل في structure of ptns.

و بما ان فيه OH؛ يبقى :-

-Can bind P (phosphate) and gives phosphoprotein.
(covalent modification)

-Can bind CHO and gives glycoproteins.

ندخل على مجموعة من ال AA غاية في الهمية :

Valine- leucine- isoleucine

و الثلاثة branched chain

ال glucogenic : valine

ketogenic : Leucine

mixed : Isoleucine

التلاتة فيهم امينو جروب يبقى اقدر عملهم Transamination و
يديني α -ketoacid

بس بما نهم branched يبقى هيدوني α - branched chain
ketoacid

و زي اي α -keto ممكن عملهم oxidative decarboxylation
بانزيم اسمه Branched chain α -keto acid dehydrogenase

و يديني ال acyl-CoA. ؛ بحيث :-

ال valine $\leftarrow$ propionyl CoA. $\leftarrow$ succinyl CoA.

Acetyl-CoA+acetoacetate $\leftarrow$ HMG-CoA. $\leftarrow$ leucine
(ketone bodies)

-: isoleucine

glucose $\leftarrow$ succinyl-CoA.

Ketone bodies $\leftarrow$ acetyl-CoA.

-: Maple syrape disease

مرض لا و لم و لن يخلو منه امتحان.

ده genetic diseases و ال cause :

Defect in branched chain α -keto acid dehydrogenase.

و القاعدة بتقول اي انزيم يقل ؛ اللي قبله يزيد ، و اللي بعده يقل.

يعني ال branched chain α -keto acid هيزيد ؛ فيحصل
ketoacidosis

و تنزل في ال urine و تديه ريحة زي السكر المحروق (maple
syrup)

كمان العيان ده هيبقى عنده :-

lethargy : دايخ، مش فايق.

Stupor : مش فايق.

Neuron motor hyperactivity و ممكن تكون في صورة

tremors يعني رعشة الاطراف ، و ممكن يبقى في صورة

Convulsions.

و كمان عنده mental retardation.

و المرض ده معاه ketotic hyperglycemia

و هعالجه ب branched chain amino acids قليلة في ال diet.

بيس يا دكاترة ☺